



宋學士集卷之五

唐弘農宋之問延清著

明梁谿曹荃元宰定

七言律詩

奉和春初幸太平公主南莊應制

青門路接鳳凰臺
素澹宸遊龍騎來
澗草自迎香輦合
巖花應待御延開
文移北斗成天象
酒

遞

一作

南山作壽杯
此日侍臣將石去
共歡明

主賜金迴

沈佺期和幸太平公主南莊應制附

王家山第早春歸御輦春遊繞翠微買地鋪
金曾作埽尋河取石舊支機雲間樹色千花
滿竹裏泉聲百道飛自有神仙鳴鳳曲併將
歌舞報恩暉

韋嗣立和幸太平公主南莊應制附

王第巖扃架鵲橋天門閭闔降鸞鑣歷亂旌
旗轉雲樹參差臺榭入煙霄林間花雜平陽
舞谷裏鶯和弄玉簫已陪沁水追歡日行奉

茅山訪道朝

李嶠和幸太平公主南莊應制附

王家山第接雲開天子春遊動地來羽騎參
差花外轉霓旌搖曳一作日邊迴還將石溜
調琴曲更取峰霞入酒杯鸞輅已辭烏鵲渚
簫聲猶繞鳳皇臺

邵昇和幸太平公主南莊應制附

沁園佳麗奪蓬瀛翠壁紅泉繞上京二聖忽
從鸞殿幸雙仙正下鳳樓迎花含步輦空聞

出樹雜帷宮
畫裏行無路
乘槎窺漢渚
徒知訪卜就君平

李义和幸太平公主南莊應制附

平陽館外有仙家
沁水園中好物華
地出東郊廻日御
城臨南斗渡雲車
風泉韻繞幽林竹
雨霰光搖雜樹花
已慶時來千億壽
還言日暮九重賒

李邕和幸太平公主南莊應制附

傳聞銀漢石支機
復見金輿出紫微
織女橋

邊鳥鵲起仙人樓上
鳳凰飛流風入座飄歌
扇瀑水浸堦濺舞衣
今日還同犯牛斗
乘槎共逐海潮歸

蘓頲和幸太平公主南莊應制附

主第山門起灞川
宸遊風景入初年
鳳凰樓下交天仗
烏鵲橋頭敞御筵
徃徃花間逢綵石
時時竹裏見紅泉
今朝扈蹕平陽館
不羨乘槎雲漢邊

嵩山石淙侍讌應制

得幽字

離宮秘苑勝瀛洲別有仙人洞壑幽巖邊樹色
含風冷石上泉聲帶雨秋鳥向歌筵來度曲雲
依帳殿結爲樓微臣昔忝方明御今日還陪八
駿遊

沈佺期和嵩山石淙侍讌應制附

金輿旦下錄雲衢綵殿晴臨碧澗隅谿水冷
泠逐行漏山煙片片引香鑪仙人六膳調神
鼎玉女三漿捧帝壺自昔汾陽紆道駕無如
太室覽真圖

和趙員外桂陽橋遇佳人

江雨朝飛浥細塵陽橋花柳不勝春金鞍白馬
來從趙玉面紅妝本姓秦如女猶憐鏡中髮侍
兒堪感路傍人蕩舟爲樂非吾事自嘆空閨夢
寐頻

五言排律

奉和晦日幸昆明池應制

春豫靈池會滄波
帳殿開舟凌石鯨
渡槎拂斗牛
迴節晦冥全
落春遲柳暗催
象溟看浴景
澆劫辨沈灰
鎬飲周文樂
汾歌漢武才
不愁明月盡
自有夜珠來

沈佺期和晦日幸昆明池應制詩附

法駕乘春轉神池
象漢迴雙星
遺舊石孤月
隱殘灰戰鷁
逢時去恩魚
望幸來山花
緹騎

遶堤柳慢城開思逸橫汾唱歌流宴鎬杯微
臣雕朽質羞覩豫章材

早發韶州

炎徼行應盡迴簷鄉路遙珠厓天外郡銅柱海
南標日夜清明少春冬雨霧饒身經大火熱顏
入瘴江消觸影含沙怒逢人女草搖露濃看茵
濕風颺覺船飄直禦魑將魅寧論鶴與鷄虞翻
思報國許靖願歸朝綠樹秦京道青雲洛水橋
故園長在目魂去不須招

發端州初入西江

問我將何去清晨泝越溪翠微懸宿雨丹壑飲
晴霓樹影梢雲密藤陰覆水低朝回出浦駛洲
轉望鄉迷人意長懷北江行日向西破顏看鵲
喜抵淚向猿啼骨肉初分愛親朋忽解携路遙
雲欲斷身辱理能齊疇日三山意于茲萬緒睽
金陵有仙館卽事訪丹梯

和姚給事寓直之作

清論滿朝陽高才拜夕郎還從避馬路來接珥

宋學士集 卷五
貂行寵就黃扉日威迴白簡霜柏臺遷鳥茂蘭
署得人芳禁靜鐘初徹更疎漏更長曉河低武
庫流火度文昌寓直光輝重乘秋藻翰揚暗投
空欲報下調不成章

始安秋日

桂林風景異秋似洛陽春晚霽江天好分明愁
殺人卷雲山穢穢碎石水磷磷世業事黃老妙
年孤隱淪歸歟臥滄海何物貴吾身

早發始興江口至虛氏村作

曉候踰閩嶠乘春望越臺宿雲鵬際落殘月蚌
中開薜荔搖青氣桄榔翳碧苔桂香多露裛石
響細泉回抱葉玄猿嘯銜花翡翠來南中雖可
悅北思日悠哉鬢髮俄成素丹心已作灰何當
晉歸路行剪故園萊

發藤州

朝夕苦遙征孤魂長自驚泛舟依鴈渚投館聽
猿鳴石髮綠溪蔓林衣掃地輕雲峰刻不似苔
蘚畫難成露裛千花氣泉和萬籟聲攀幽紅處

歎躋險綠中行戀切芝蘭砌悲纏松栢瑩丹心
江北死白髮嶺南生魑魅天邊國窮愁海上城
勞歌意無限今日爲誰明

早入清遠峽

傳聞峽山好旭日棹前沂雨色搖丹嶂泉聲聒
翠微兩巖天作帶萬壑樹披衣秋橘迎霜序春
藤礙日輝翳潭花似織緣嶺竹成圍寂歷環沙
浦蔥籠轉石圻露餘江未熱風落瘴初稀猿飲
排虛上禽驚掠水飛榜童餘唱合樵女越吟歸

良候斯爲美邊愁自有違誰言望鄉國流涕失
芳菲

下桂江龍目灘

停午出灘險輕舟容易前峰攢入雲樹崖噴落
江泉巨石潛山恠淡篁隱洞仙鳥遊溪寂寂猿
嘯嶺娟娟揮袂日凡幾我行途已干暝投蒼梧
郡愁枕白雲眠

使過襄陽登鳳林寺閣

香閣臨清漢丹梯隱翠微林篁天際密人世谷

中違巖石銜仙洞蓮舟泊釣磯山雲浮棟起江
雨入庭飛信美雖南國巖城限北歸幽尋不可
再留步惜芳菲

遊稱心寺

釋事懷三隱清襟謁四禪江鳴潮未落林曉日
初懸寶葉交香雨金沙吐細泉望諧舟客趣思
發海人烟顧櫂仍留馬乘盃久棄船未憂龜負
嶽且識鳥耘田理契都無象心冥不寄筌安期
庶可揖天地得齊年

遊禹穴廻出若耶

禹穴今朝到耶溪此路通著書聞太史鍊藥有
仙翁鶴往籠猶挂龍飛劍已空石帆搖海上天
鏡落湖中水底零露白山邊墜葉紅歸舟何處
晚日暮使樵風

奉和幸神臯亭應制

清蹕喧黃道乘輿降紫宸霜戈凝曉日雲管發
陽春臺古全疑漢林餘半識秦宴酣思布澤節
改令行仁昔恃山河險今依道德淳多慚獻嘉

領空累屬車塵

春日鄭協律山亭陪宴餞鄭卿

潘園枕郊郭愛客坐相求尊酒東城外驂駢南
陌頭池平分洛水林缺見嵩丘暗竹侵山徑垂
楊拂妓樓彩雲歌處斷遲日舞前留此地何年
別蘭房空自幽

桂州黃潭舜祠

虞世巡百越相傳葬九疑精靈遊此地祠宇日
光輝裡祭忽羣望丹青圖二妃神來獸率舞仙
去鳳還飛日暝山氣落江空潭靄微帝鄉三萬
里乘彼白雲歸

宴安樂公主得空字

英藩築外館愛主出王宮賓至星槎落仙來月
宇空玳梁翻賀燕金埒倚晴虹簫奏秦臺裏書
開魯壁中短歌能駐日艷舞欲嬌風聞有淹留
處山阿滿桂叢

奉和幸韋嗣立山莊侍宴應制

樞掖調梅暇林園藝槿初入朝榮劔履退食偶

琴書地隱東巖室天廻北斗車旌門臨窸窣閣
道屬扶疎雲罕明丹壑霜笳徹紫虛水疑投石
處溪似釣璜餘帝澤頒卮酒人歡頌里間一承
黃竹詠長奉白茅居

張說奉和幸韋嗣立山莊侍宴應制附
寒灰飛玉琯湯井駐金輿旣得方明相還尋
大隗居懸泉珠貫下列帳錦屏舒騎遠林踰
密笳繁谷自虛門旗塹複磴殿幕褰通渠舞
鳳隨公主雕龍起婕妤地幽天賞洽酒樂御

筵初菲才叨侍從連藻媿應徐

一 劉憲奉和幸韋嗣立山莊侍宴應制附
東山有謝安枉道降鳴鸞緹騎分初日霓旌
度曉寒雲蹕巖間下虹橋澗底盤幽棲俄以
屆聖矚宛餘歡崖懸飛溜直岸轉綠潭寬桂
華堯酒冷松響舜絃彈明主恩斯極賢臣節
更殫不才叨侍從詠德以濡翰

蘇頲奉和幸韋嗣立山莊侍宴應制附
攬金寒墅霽步玉曉山幽帝幄期松子匡廬

訪葛侯百工徵往夢七聖卮來遊斗柄乘時
轉台階捧日留樹重巖籟合泉迸水光浮石
徑喧朝履璜溪擁釣舟恩如犯星夜歡擬濟
河秋不學堯年隱空令傲許由

沈佺期奉和幸韋嗣立山莊侍宴應

附制

鼎臣休澣隙方外結遐心別業青霞境孤潭
碧樹林每遷東墅策遙弄北溪琴帝幸行時
豫台園賞歲陰移鑿明月沼張樂白雲岑御
席瑤觥落仙壇竹徑澗三章懸聖藻五等冠

朝簪自愧承恩盛咸言獨在今

趙彥昭奉和幸韋嗣立山莊侍宴應

附制

賢族惟題里儒門但署鄉何如表巖洞宸翰
發輝光地在茲山曲家鄰郃水陽六龍駐旌
罕四牡耀旂常北斗臨台座東山入廟堂天
高羽翼近主聖股肱良野竹池亭氣春花澗
谷香縱然懷豹隱空愧躡鴛行

崔湜奉和幸韋嗣立山莊侍宴應制附

丞相登前府尚書啓舊林式間明主意榮族

聖嬪心川狹旌門抵巖高蔽帳臨開窻憑柳
暗小徑入松深雲卷千峰色泉和萬籟吟蘭
迎天女珮竹礙侍臣簪宸翰三光燭朝榮四
海欽還嗟絕機叟白首漢川陰

李乂奉和幸韋嗣立山莊侍宴應制附
台階好赤松別業對青峰茅室承三顧花源
接九重龍旂縈秀木鳳輦拂疎筇逕狹千官
擁溪長萬騎容水塘開禹膳山閣獻堯鍾皇
鑒清居遠天文睿獎濃崑泉他日夢魚釣徃

年逢共榮丞相府偏降逸人封

武平一奉和幸韋嗣立山莊侍宴應

制附

三光迴斗極萬騎肅鈞陳地若遊汾水畋疑
歷渭濱圓塘水寫鏡遙樹露成春絃奏魚聽
曲機忘鳥狎人築巖思感夢磻石想垂綸落
景搖紅壁層陰結翠筠素風紛可尚玄澤藹
無垠薄暮清笳動天文煥紫宸

李嶠奉和幸韋嗣立山莊侍宴應制附
南洛師臣契東巖王佐居幽情遺綬冕宸眷

宋學士集 卷五
屬樵漁制下峒山蹕恩迴灞水與松門駐旌
蹕薜幄引簪裾石磴平黃陸烟樓半紫虛雲
霞僊路近琴酒俗塵疎喬木千齡外懸泉百
尺餘崖深經鍊藥穴古舊藏書樹宿搏風鳥
池潛縱壑魚寧知天子貴尙憶武侯廬

宋學士集卷六

唐弘農宋之問延清著

明梁谿曹 荃元宰定

五言排律

奉和幸大薦福寺應制二首

香刹中天起宸遊滿路輝乘龍太子去駕象法
王歸殿飾金人影牕搖玉女扉稍迷新草木遍
識舊庭圍水入禪心定雲從寶思飛欲知皇劫
遠初拂六銖衣

宋學士集 卷六
梵筵光聖邸仙豫覽宏規不改靈光殿因開功
德池蓮生新步葉桂長昔攀枝湧塔庭中見飛
樓海上移聞韶三月幸觀象七星危欲識龍歸
處朝來雲氣隨

趙彥昭和幸大薦福寺應制附

寶地龍飛後金身佛現時千花開國界萬善
累皇基北闕承行幸西園屬住持天衣拂舊
石王舍起新祠刹鳳迎雕輦幡虹駐綵旗同
霑小雨潤竊仰大風詩

李义和幸大薦福寺應制附

象設隆新宇龍潛想舊居碧樓披玉額丹杖
導金輿代日興光近周星掩曜初空歌清沛
筑梵樂奏胡書帝造還三界天文賁六虛康
哉孝理日崇德在真如

李嶠

雁沼開香域鶯林降綵旃還窺圖鳳宇更坐
濯龍川桂輦朝羣辟蘭宮列四禪半空銀閣
斷分砌寶繩連甘雨焦蘇澤慈雲動沛篇獨

宋學士集 卷六
二
慙賢作礪空喜福成田

劉憲

地靈傳景福天駕儼鈞陳佳哉藩邸舊赫矣
梵宮新香塔魚山下禪堂雁水濱珠幡映白
日鏡殿寫青春甚懽延故吏大覺極生人幸
承歌頌末長奉屬車塵

鄭愔

舊邸三乘闕佳辰萬騎畱蘭圖承葉偁芝蓋
拂花樓國會人王法宮還天後遊紫雲成寶

界白水作禪流雁塔昌基遠鸚杯睿藻抽忻
承大風曲竊預小童謳

奉和幸三會寺應制

六飛廻玉輦雙樹謁金仙瑞鳥呈書字神龍吐
浴泉淨心遙證果睿想獨超禪塔湧香花地山
圍日月天梵音迎漏徹空樂倚雲懸今日登仁
壽長看法鏡圓

李乂和幸三會寺應制附

睿德總無邊神皇擇勝緣二儀齊法駕三會

禮香筵漢闕中黃近秦山太白連臺疑觀鳥
日池似刻鯨年滿月臨眞境秋風入御絃小
臣叨下列持管繆窮天

李嶠

故臺蒼頡里新邑紫泉居歲在開金寺時來
降玉輿龍形雖起剎鳥跡尚畱書竹是蒸青
外池仍點墨餘天文光聖草寶思合眞如謬
奉千齡日忻逢十地初

鄭愔

鳥籀遺新閣龍旂訪古臺造書臣頡往觀跡
帝羲來法界山川匝宸心宇宙該梵音隨駐
輦天步接乘杯舊苑經寒露殘池問劫灰散
花將捧日俱喜聖祠開

上官昭容

釋子談經處軒臣刻字畱故臺遺老在殘簡
聖君求駐蹕懷千古開襟望九州四山緣塞
合二水夾城流宸翰陪瞻仰天杯接獻酬太
平詞藻盛長願紀鴻休

劉憲

岩峩蒼史臺敞朗緝園開戒旦壺人集翻霜
羽騎來下輦登三襲褰旒望九垓林披館陶
勝水浸昆明灰網戶飛花綴幡竿度鳥迴預
遊仙唱動瀟灑出塵埃

登粵王臺

江上粵王臺登高望幾回南溟天外合北戶日
邊開地濕煙常起山晴雨半來冬花采盧橘夏
果摘楊梅跡類虞翻在入非賈誼才歸心不可

見白髮重相催

入瀧州江

孤舟泛盈盈江流日縱橫夜雜蛟螭寢晨披瘴
癘行潭蒸水沫起山熱火雲生猿躩時能嘯鳶
飛莫敢鳴海窮南徼盡鄉遠北魂驚泣向文身
國悲看鑿齒氓地偏多有蠱風惡好相鯨余本
巖棲客悠哉慕玉京厚恩常顧答薄宦不期成
違隱乖求志披荒爲近名鏡愁玄髮改心負紫
芝榮運啓中興曆時逢外域清祗應保忠信延

促付神明

宋公宅送甯諫議

宋公爰創宅庾氏更誅茅間出人三秀平臨楚
四郊漢臣來絳節荊牧動金鏡樽溢宐城酒至
裁曲沃匏露荷新變節風柳夕鳴梢一散陽臺
雨方隨越鳥巢

吳松江懷古

宿帆震澤口曉渡松江濱擢發魚龍氣舟衝鴻
鴈羣寒潮頓覺滿暗浦稍將分氣出一作赤海生

日光清湖起雲水鄉盡天衛嘆息爲吳君謀士
伏劍歿至今悲所聞

遊法華寺

高岫擬耆闍真乘引妙車空中樓閣殿意表出雲霞

後果纏三足前因感六牙宴林薰寶樹水溜滴
金沙寒谷梅猶淺溫庭橘未華臺香紅藥亂塔
影綠篁遮果漸輪王族緣超梵帝家晨行踏忍
草夜誦得靈花江郡將何匹天都亦未加朝來
沿汎所應是逐仙槎

遊雲門寺

維舟探靜域作禮事尊經投跡一蕭散爲心自
杳冥龕依大禹穴樓倚少微星沓嶂圍蘭若迴
谿抱竹庭覺花塗砌白甘露洗山青鴈塔騫金
地虹橋轉翠屏人天宵現景神鬼晝潛形理勝
常虛寂緣空自感靈入禪從鶴繞說法有龍聽
劫累終期滅塵躬且未寧搖搖不安寐待月詠
巖扃

和庫部李員外秋夜寓直之作

相庭貽慶遠才子拜卽初起艸徯仙閣焚香卧
直廬叟深河欲斷節勁柳偏疎氣耿凌雲筆心
搖待漏車叨榮厠儔侶省已慙空虛徒斐陽春
和難叅麗曲餘

酬李丹徒見贈

鎮吳稱粵理試劇仰通才近挹人披霧遙聞境
震雷一朝逢解榻累日共銜杯連轡登山盡浮
舟望海迴以予慙拙宦期子遇良媒贈曲南鳧
斷征途北鴈催更憐江上月還入鏡中開

送楊六望赴金水

借問梁山道嶽岑幾萬重
遙州乃作路一作絕
壁劍爲峰惜別路窮此留歡意不從憂來生白
髮時晚愛青松勿以西南遠夷歌寢盛容台階
有高位寧復久臨印

送合宮蘇明府頌

鉉府誕英規公才天下知
謂乘羔鴈族繼入鳳
皇池赤縣求人隱青雲起路岐
翟迴車少別鳧
化鳥遙馳神哭周南境童歌渭北垂賢哉荀奉

倩裘職忝來儀

謁禹廟

夏王乘四載茲地發金符峻命終不易報功疇
敢渝先驅總昌會後至伏靈誅玉帛空天下衣
冠照海隅旋聞厭黃屋更道出蒼梧林表祠轉
茂山阿井詎枯舟遷龍負壑田變鳥芸蕪舊物
森如在天威肅未殊玄夷屈瑤席玉女侍清都
奕奕扃闔一作闔邃軒軒仗衛趨氣青連曙海雲
白洗春湖猿嘯有時答一作合禽言常自呼靈歆

先學士集 卷六
異蒸精至樂匪笙竿茅殿今文襲梅梁古製無
運遙日崇麗業盛答昭蘇伊昔力云盡而今功
尚敷揆材非美箭精享愧生芻郡職昧爲理邦
空寧自誣下車霰已積攝事露行濡人隱冀多
祐弓唯霑薄軀

靈隱寺

鷲嶺鬱岩堯龍宮鎖寂寥樓觀滄海日門對一作
聽浙江潮桂子月中落天香雲外飄捫蘿登塔
遠剝木取泉遙霜薄花更發冰輕葉互凋尚風

遐異搜

對

煩囂待入天台路看余度石橋

扈從登封告成頌應制

御路迴中嶽天營接下都百靈無後至萬國競
前驅文衛嚴清蹕幽仙讀寶符貝花明漢果芝
草入堯厨濟濟衣冠會喧喧夷夏俱宗禋仰神
理刊木望川途撫已貧非病時來本不愚願陪
丹鳳輦率舞白雲衢

奉和幸長安故城未央宮應制

并序

漢王未息戰蕭相乃營宮壯麗一朝盡威靈千

載空皇明悵前跡置酒宴羣公寒輕綵仗外春
發滿城中樂思迴斜日歌詞繼大風今朝天子
貴不假叔孫通

趙彥昭和幸未央宮應制附

夙駕移天蹕憑軒覽漢都寒烟收紫禁春色
遶黃圖舊史遺陳跡前王失霸符山河寸土
盡宮觀尺椽無崇高惟在德壯麗豈爲謨茨
室留皇覽薰歌盛有虞

李义和幸未央宮應制附

鳳輦乘春陌龍山訪故臺北宮纔盡處南斗
獨昭回肆覽飛宸札稱觴引玉杯已觀蓬海
變誰厭柏梁災代挹孫通禮朝稱賈誼才忝
齊文雅地先後各時來

李嶠和幸未央宮應制附

舊宮賢相築新苑聖君來運改城隍變年深
棟宇摧後池無復水前殿久成灰莫辨祈風
觀空傳承露杯宸門千載合睿律九韶開今
日聯章處猶疑上柏臺

劉憲和幸未央宮應制附

漢宮千祀外軒駕一來遊夷蕩長如此威靈
不復留憑高睿賞發懷古聖情周寒向南山
歛春歌北渭浮土功昔云盛人英今所求幸
聽薰風曲方知霸道蓋

五言絕句

渡漢江

嶺外音書斷經冬復歷春近鄉情更怯不敢問
來人

嵩山夜還

家住一作嵩山下好采舊山薇自省遊泉石何
曾不夜歸

湖中別鑒上人

願與道林近意在逍遙篇自有靈佳寺何用沃

洲禪

題鑿上人房二首

落花雙樹積芳草一庭春玩之堪興異何必見幽人

晚入應真理經行尙未回房中無俗物林下有青苔

答田徵君

出遊杳何處遲回伊洛間歸寢忽成夢宛在嵩丘山

傷曹娘二首

鳳飛樓伎絕鸞歿鏡臺空獨憐脂粉氣猶着舞衣中

河伯憐嬌態馮夷耍姝妓寄言遊戲人莫弄黃河水

河陽

昔日河陽縣氛氲香氣多曹娘嬌態盡春樹不堪過

燕巢軍幕

宋學士集 卷九
非關憐翠幕不是厭朱樓故來呈燕領報道欲
封侯

詠省壁畫鶴

粉壁圖仙鶴昂藏真氣多騫飛竟不去當是戀
恩波

廣州朱長史坐觀妓

歌舞須連夜神仙莫放歸參差隨暮雨前路濕
人不

謁三妃廟

送以金屋貴留茲寶席尊江鳧嘯風雨山鬼泣
朝昏

贈嚴侍御

受脈清邊服乘驄歷塞塵當聞漢雪恥羞共虜
和親

在荊州重赴嶺南

夢澤三秋日蒼梧一片雲還將
鵠羣

則天皇后挽歌

象物行周禮衣冠集漢都誰憐事虞舜下里泣
蒼梧

鄧國太夫人挽歌

鸞歿鉛妝歇人亾錦字空悲端若能減渭水亦
應窮

楊將軍挽歌

亭寒照苦月隴暗積愁雲今日山門樹何處有
將軍

七言絕句

苑中遇雪應制

紫禁仙輿詰旦來青祈遙倚望春臺不知庭霰
金朝落疑是林花昨夜開

送司馬道士遊天台

羽客笙歌此地違離筵數處白雲飛蓬萊闕下
長相憶桐栢山頭去不歸

登逍遙樓

逍遙樓上望鄉關綠水泓澄雲霧間北去衡陽

宋學士集卷六
二千里無因鴈足繫

一作書還寄

奉和春日翫雪應制

北闕彤雲掩曙霞
東風吹雪舞山家
瓊章定少千人和
銀樹長芳六出花

傷曹娘二首

可憐冥漠去何之
獨立丰茸無見期
君看水上芙蓉色
恰似生前歌舞時

前谿妙舞今應盡
子夜新歌遂不傳
無復綺羅嬌白日
直將珠玉閉黃泉

宋學士集卷之七

唐弘農宋之問延清著

明梁谿曹荃元宰定

序

三月三日奉使涼宮雨中禊飲序

三月上巳有祓除禊飲者成俗久矣
摯虞對而不經束皙言而有禮漢庭故事衣冠就玄灞之橋
晉國遺風輜輶耀翠媯之浦興秦宮者我大周之所建也
境連伊塞岸隔河都清暑必在於

宋學士集 卷十
三伏洙寒不渝於十里占星已畢擢仙闕而威
百神匪日將成宜聖皇而福四海吾儕恭興露
寢初忝雲輶違北京之宴樂坐南山之霧雨相
與會良友陶暮春席幽林觴曲水是日也雜英
初發群物半榮春透迤而上山雪嶽峯而藏谷
高人一坐杞梓交陰作者肆筵芝蘭同氣遞襲
歌詠不登絃管稽叔夜之鳴琴偏衣綠竹郭子
期之春酒本出青山論史可聽談玄愈默不覺
齊萬品隘九圍變流波惜遲景顧盼相謂雖非
巢許之間左右同聲盍各巖泉之助請染翰操
紙賦詩言志人探一言俱題四韻

上巳泛舟昆明池宴宗主簿席序

僕不遊於茲十有五載矣心繇物感遐矣不
忘跡爲事牽近而難挹南陽宗邕文通學古器重
名高有奉倩象賢丞相生玄成邁德暮春修以
文之會上巳邀祓禊之遊乃結縉紳撰清辰殷
殷鞞鞞歆霧驚塵望於昆明之濱觀其大浸川
陸博資畿甸鳧鷖發海來往沈浮日月麗天東
西出入千年珍館無復豫章四面金堤仍同樹
杞是日也駕肩錯轂備朝野之歡娛絃服靚妝

匝都城之里開翠幕星布錦帆霞屬餘瀝下醉
於綃人新聲遠聒於川后縱日遐覽識皇代之
承平得意同歸有吾儕之行樂高朋一座桂樹
叢生君子肆筵玉山交映束皙以言談得俊張
華以史漢先鳴登旨酒而無荒絃清琴而自逸
於是涉連榻命孤舟菟水漲而浦紅蘋風搖而
浪白逼匡阜今遵彭蠡邈矣載浮指衡岳而超
洞庭眇焉疑到曲島之光靈乍合神魂密遊中
流之萍藻忽開龜魚潛動晞鏤鯨而鼓棹共看

燒劫之灰歷牽牛而問津欲取支機之石晴光
劃野有象而必形夕陽照山無奇而不見思溢
今古心搖草木漢家城闕遺之以雜霸之風秦
塞膏腴潤之以太平之色景窮勝踐歸限嚴闈
思染翰於上林願揮戈於濛汜主稱未醉唯見
馬駐浮雲賓共少留自有魚銜明月官商待叩
群公之獲助已多序引先題下走之求蒙不逮
請授素幅以頌佳遊使一時之興詠遙存千古
之姓名常在

春遊宴兵部韋員外韋曲莊序

長安城南有韋曲莊京郊之形勝也却倚城闕
朱雀起而爲門斜枕岡巒黑龍臥而周宅賢臣
作相舊號儒宗聖后配元今爲戚里韋吏官雙
珠絕價百金懿名文華得俊於陸氏兄弟掩譽
於荀家先人結廬當大廈之地衆賓連袂乘暮
春之月觀其奧區一曲甲第千甍冠蓋列東西
之居公侯開南北之巷羸女樓下吹鳳降於神
仙漢妃館前濯龍走其車馬地靈磊落而間出

天爵蟬聯而相繼拜郎起草襲鷹而傳羔補衮
司槐送伯而迎季爾乃闢虛幌敞華筵閨門之
秀士咸集京邑之清流畢萃萬株果樹色雜雲
霞千畝竹林氣含烟霧激樊川而縈碧瀨浸以
成陂望太乙而鄰少微森然逼座尚書未至曳
履驚鄰宮尹遞來鳴騶動壑登玉俎醉金觴地
高而珍物雖豐理洞而清徽不雜以醉觀德因
談獲情外戚遨遊自携歌吹主人賞會但有琴
詩於是下高臺陟曲沼鋪落花以爲藉結垂楊

而代幄霽景含日晚霞五彩而丹青韶望卷雲
春皋一色而凝黛景闌興逸氣清心遠仰大儒
之肆其德可師入處士之廬斯人若在諷誦於
逸彭之藻沐浴於扶陽之墟向來挹清議擅風
流卽事竒偉佳辰行樂安可無述文在茲乎酆
國善誘誦宗見收士末內史禊亭之集竊倚琳
琅衛尉別業之遊濫先題目歸軒莫駐麗城將
掩拙而不速恨無倚馬之才婉而且微請談雕
龍之什公命賦水字盍成四韻云爾

早秋上陽宮侍宴序

臣聞神器至大非聖無以光臨寶位至尊非神
無以長守我金輪聖神皇帝垂妙覺撫鴻勳出
軒宮而鎮紫微卷輦衣而襲玄衮釋罽祝網萬
族咸寧革故維新五刑不用潤玉律而含元氣
輪金渾而調順晷窮荒極遠重譯左袵之俗負
阻憑危背德殊風之類莫不厥角稽顙執贄來
庭烟火通於萬方車書混於千界慶延八室享
配於明祇辟水三雍講論乎道義麟鳳薦祉龜

龍奉圖石銘顯瑞於郊畿玉書告祥於宮掖以
日繼月紛綸葳蕤竹帛書之而未窮夷夏歌之
而不極聖人之具品周矣天子之能事畢矣自
千古以下迄于梁隋何功於人比我全德於是
寔宴坐展豫遊順四時乘六辨先王洛食上帝
河都樞機正於域中雨露均於天下徒觀其離
宮別殿彌複道而亘南端高閣重甍瞰崇墉而
連北斗滄洲曉氣化爲宮闕之形閭闔秋風亂
起金銀之樹降琯輿而式宴簪紉凝巖披縷檻
而昇高山河在日叅光有地遊日月於天邊覩
遠無窮見城池於掌上四達分九重之路積樹
梢雲雙莖當鐵鎖之橋流珠馭漢霞漿玉醴與
湛露而俱傾鳳管龍絲雜商飈而共奏衆作流
汗拜首而爲序云

奉陪武駙馬宴唐卿山亭序

一人御曆乾坤盡覆載之功四海爲家朝野得
歡娛之契若迺侯門向術近對城隅帝子垂休
時過戚里銀鑪絳節辭北禁而渡河橋駿馬香
車出東城而臨甲第林園洞啓亭壑幽深落霞
歸而疊嶂明飛泉灑而迴潭響靈槎仙石徘徊
有造化之姿苔閣茅軒髣髴入神仙之境芳醪
旣溢妙曲新調林園過衛尉之家歌舞入平陽
之館是日也涼陰稍下溽暑將闌前階晚而白

宋學士集 卷七
九
露生後池夕而秋風起重茲行樂欣陪駟馬之
遊繼以望舒不頓六龍之轡爰命賡札咸令賦
詩記清夜之良遊歌太平之樂事各探一字先
成受賞云爾

奉勅從太平公主遊九龍潭尋安平王宴

別序

安平王地惟藩翰才實宗英懸鵠鏡於胸懷運
龍泉於掌握以爲時和政理實探道之期賤物
貴身尚延齡之術悠然遠覽迺下茲山屬聖主
之能仁遂賢王之雅好羅紈罷御與朱邸而長
辭金玉蒲堂棲白雲而不顧巖石信美結構多
竒錦壁周庭以造天玉泉注戶而鳴壑三光貝
樹影入山窓九節昌蒲光搖砌水竹林茅宇自

冥棲隱之心藥物圖書卽有靈仙之氣人惟帝

念一作命巖穴所以增輝地入王家樵採尤其不

犯嗟乎林棲谷飲古亦有之豈有貴而為王鍊

形雲壑希世獨立萬古誰鄰子晉已來一人而

已羣公等銜紫泥之寵命間清溪之逸遊駐驂

駢步巖石籍落花而聽時鳥累宿忘歸蔭芳樹

耐弄春泉窮年不厭衣冠車馬明日下於春山

鸞鶴笙歌今宵共乎芳月隱淪可作將知心與

事違城闕非遙終惜風流雲散下官少懷微尚

早事靈丘踐疇昔之杳源畱不能去攀君王之

桂樹情可何之請人賦一言俱裁六韻

送懷州皇甫使君序

甸服三百里共京都叅化良吏二千石與天子
分憂覃懷奧區必寄能者皇甫使君累司寵職
夙著香名威惠歷刺於外臺風流載欵於京國
議者應南宮之象實謂光朝使乎奏西河之能
更勞爲郡檐帷卽路供帳出郊宿雨碧滋浮漢
城之氣色朝陽紅景入太平之草樹新豐美酒
不換離心函谷重關能搖別恨河內未理暫借
寇恂潁川旣輯佇歸黃霸廟堂側席羣公以尚

分學士集 卷七
義相高川陸分途我輩以贈言爲貴况筵開灞
畔路指太行請居人贈王粲之詩去者畱阮公
之作

送尹補闕入京序

河間尹公博物君子解褐調慈州司倉白雲在
天不樂爲吏有竹林近鄜杜南山彈琴讀書日
益淪放雖道貴物外久無世情身退名高再顯
天爵遂使公卿舉手羔鴈成羣無何勅書到秦
徵詣函洛天子以其老成達學昂藏有古人風
命典著書職在補闕時議以謂伯喈得召仲甫
登聞旣而藉馬入關西携老幼重見喬木載馳
舊山念出處事違居人惜別離車將遠凡我同

志賦詩贈行

送裴五司法赴都序

夫有別必感今昔共之蓋理逼聚散事均窮達
望秦是斷腸之所况念故園懷洛多掩涕之人
更分良友裴五官業傳河寶才誕岳靈彩思有
神鬢睂若畫一日不見鄙恡都生千里送歸風
流忽遠朝英出餞迴北走於郊隅野墅銷霧引
南山於庭際客飲恨而歡促席含情而景遲目
喬樹之將華青門戀舊背芳萱之稍吐金谷逢
春舉盃伊何願君軫之少駐賦詩於是旌余志

宋學士集 卷七
之所之敢謂座賓盍宜離唱

袁侍御席餞永昌獨孤少府序

春其暮兮勞志士之幽嘆友其行矣結吾徒之
遠悲豈不以時物華歲好事者賞而不足名流
才子相歡者懷而不見河南獨孤冊風儀松竹
詞賦雲泉清義多南史之才選署半北部之慰
袁侍御風霜利器金石宏材執憲稱柱下之雄
禮士採域中之俊爾乃撰辰開宴考地疏筵落
花覆沼懸藤掃砌竹林以清氣娛賓蘭畹以芳
心慶客環坐三尺起君子之風祖道百壺酌賢

宋學士集卷之五十一
二百五十一
人之酒去留交軫舞詠相喧管召魚樂杯薰鸞
醉此時奚怨盛集無何是日增悲韶芳亦盡啼
鳥送晚遙棲御史之林班馬嘶歸近送舍人之
驛夫登高動詠贈遠形言豈鄙懷之庶幾乃群
公之事業盍請離唱用貴洛陽之紙焉人採一
言各題四韻

三月三日於灞水曲餞豫州杜長史別昆
季序

上巳佳游近郊春色朱軒映野見東流之夜襖
白雲在天愴南登之送別杜長史言辭灞澹將
適荆河戀舊鄉之喬木藉故園之芳草雋原四
鳥是日分飛輿泉二龍此時云遠綠潭一望青
山四極秦人去國乘右輔之修途洛客思歸憶
東京之曲水請染翰操紙卽事形言各賦蘭亭
之詩咸申葛陂之贈

春夜令狐正字田子過弊廬序

田二官考室穎陽令狐九閑居渭涘徵君太守
世業相親洛邑秦京道遊非遠春山採藥揖二
子之高蹤夜月迴車入故人之窮巷闢書幌卷
琴帷綠竹一叢清風三尺幽吟所托遊山招隱
之詩嘉話伊何丹丘白雲之事榮枯未薦飽我
以老氏之言舉白無譁辭余以胡丘之說池塘
潤於時雨衣巾漸於和氣蘭欲芳而逼人林將
曙而催鳥嗟乎語默恒理聚散何常請揮翰寫

心用旌厥事使嵩高洞裏記茲夕之當歌太白
巖中念今宵之秉燭共編四韻貽諸好事云



